

第李鵬洪守仁李敏及臣而日期則二月二十一日間定約同日各持環刀弓矢分壯弱中分東西一時向闕臣屬東邊向東門外一邊向西門外軍士若有禁止一向殺害○推官南袞等啓曰尹再聘年少迷劣其所納招不過如是而已王守多受刑杖言語雜亂不能歸一其所服只此而三人已承服請速照律傳曰王守之招與壽仁之辭歸一矣必窮推無遺奸黨可也如分東西向闕則其黨豈止此乎且吳弼卿河益粹購捕節目守仁許接者罷黜可也○吳國同刑訊八次李敏六次俞寅輔六次玄傑六次億根五次洪守仁四次並不服○億根六次洪守仁五次皆不服○李壽仁刑問二次供曰前供辭各人外他餘參謀人則臣未得知獨李長宗參會而前推時忘不納供○夜巽方坤方有氣如火○戊寅鞫罪人餘黨于賓廳傳曰世昌所為固當窮詰然先問始謀日月可也各人招辭或稱三月十五日或稱二月二十一日汝若誠心告變則如此之事為人臣既有所聞不可一刻緩告也且光陵行幸時日月已過而其謀逆等事何示即上變耶其以此詳問以啓南袞等僉議啓曰今問世昌不出其言端其情外之辭不須煩啓請刑推得情以啓且其家搜求文書有一片紙書云柳內禁上東大門外祭代之